

CONFESSION
FAICTE PAR
MESSIRE LOVYS

Gaufridi Prestre en l'Eglise des
Accoules de Marseille, Prin-
ce des Magiciens, depuis
Constantinople ius-
ques à Paris.

*A deux Peres Capuchins du Couuent d'Aix, la veille
de Paques, le onZiesme Avril mil
six cens onze.*



A AIX,

PAR IEAN THOLOZAN,

Imprimeur du Roy & de ladicte ville.

M. DC. XI.

Avec permission de la Cour de Parlement.

127

G268C0

1611

f
s
n
e
a
q
b
&
r
q
m
m
to
c
q
ti
m
re
q

CONFESSION FAICTE

*par Messire Loys Gaufridy, Prestre en
l'Eglise des Acconles de Marseille,
Prince des Magiciens, despuis Con-
stantinople iusques à Paris, &c.*



Ly a enuiron cinq ou six ans que ie commençay lire vn liure de Magie, que i'auoy eu d'un mien Oncle, il y a treize ou quatorze ans: ce fut enuiron le mois de May, & sur les entrefaites le Diable se paroit à moi en forme d'homme, habillé en Prud'homme. D'abord ie fus effrayé, mais cela ce passa incontinent, ie fus alors possédé de deux affections fort mauuaises, que ie conuoitois il y a long temps, l'une d'ambition d'estre en reputation parmi le monde, & singulierement des gens de bien, & l'autre d'une affection desordounee de iouyr de quelques filles. Le mesme susdict Diable, nommé Lucifer, me dit dans ma chambre, de luy à moy, *qu'est-ce que ie te donneray si tu me faisois iouyr de tout ce que ie desirerois.* Moy bien aise de telle rencontre, luy respondis ce qu'il vouloit de moy, qu'il le demandast, que ie lui donneroie volontiers. Il me repliqua, *dône toy a moy avec tous les biens que tu possèdes.* Le luy respondis que ie me donnoy volontairement à luy, avec tous les biens qui concernent & touchent mon particulier:

4

mais pour la valeur des Sacrement que i'administrois avec autres que ie ne luy voulu pas donner, à quoy il s'acorda, se contentant de ce que ie luy promettois, aussi nous stipulasmes ensemble, & demeurasmes d'accord, il me demanda vne promesse que ie luy fis escrite, comme s'ensuit.

¶ Je Louis Gaufridi, renonce à tous les biens, tant spirituels que temporels, qui me pourroyent estre conferés de la part de Dieu, de la Vierge Marie, de tous les Saints & Saintes de Paradis: particulièrement de mon Patron S. Iean Baptiste, S. Pierre, Paul & François, & me donne corps & ame, à vous Lucifer, ici présent, avec tous les biens que ie possederai iamais (excepté la valeur des Sacremens, pour le regard de ceux qui les receuront) Ainsi l'ay signé & attesté. Voilà la teneur de la promesse.

1 Cela fait ie luy demanday en quoy il desiroit me satisfaire.

2 L'aduouë comme ie tenois le susdit liure de Magie dessous le manteau de la cheminee de ma chambre à main gauche sur vn petit aix de bois, attaché d'vn clou.

3 L'aduouë, comme ie prenoy vn extreme plaisir à lire ledit liure, & aussi tost que ie lisoy ledit liure, le Diable s'apparoissoit à moy en la forme que dessus.

4 L'aduouë que deux ou trois iours apres la-
dite promesse, le Diable retourna (cōme il m'a-
uoit promis (& me dit alors, que par la vertu de
mon souffle i'enflammerois à mon amour tou-
tes les filles & femmes que i'auroy enuie d'auoir
pourueu que ce souffle leur arriuaſt aux narines:
& deslors ie commençay à souffler à toutes cel-
les qui me venoient à gré.

5 L'aduouë comme le Diable m'apporta vne
cedule, ſignée de luy, contenāt la vertu du ſouf-
fle que i'ay encores riere moy.

6 L'aduouë, comme i'ay soufflé mille filles ou
femmes, prenant vn extreme plaisir de les voir
enflammées de mon amour : i'ay dit plusieurs
fois, parlant de quelques particulieres à ſes pe-
res, *Vos filles en ont autant qu'elles en peuuent porter,*
ſans m'expliquer autrement.

7 L'aduouë, comme ie frequentoy familiere-
ment la maiſon de Monsieur de la Palud, Gētil-
homme de Marſeille à cauſe de ma reputation:
i'eſtois fort bien venu là dedans. Il auoit trois
filles, belles par excellence, bien aprinſes, & fort
deuotieufes. I'eus enuie d'auoir la iouyſſance
d'vne d'icelles nommée Magdelaine: mais ſa
mere la tenoit de ſi prez, qu'il n'y auoit moyen
de la voir, qui fut cauſe que ie ſoufflay ſa mere,
aſin qu'elle me l'amenast à ma chambre, qu'elle
ſe fiaſt de moy quand ie ſerois en ſa maiſon, ce
que ie gagnay facilement: de ſorte que me trou-
uant ſouuant avec ladite Magdelaine, ie la bai-
ſay, & plus.

8 L'aduouë, comme i'ay soufflé pluſieurs fem-
mes me contentant de les voir transportées de

mon amour, & y prenāt plaisir sans passer outre.

9 l'aduoue comme la premiere fois que ie voulu iouyr de Magdelene, ie luy mis la main au front & là où les Charites auoyent logé la virginité, elle aduoues les paroles.

10 l'aduoue que ie soufflay ceste Damoiselle plusieurs fois, car tant plus ie la soufflois, tant plus elle estoit deseperee de ma iouyssance. Je voulois que l'effect de nos concupiscences vint de sa part: ie l'infecroy si bien par mon souffle, qu'elle mourroit d'impatience quand ie n'estois avec elle, elle me venoit chercher au champs à l'Eglise, & vouloit que ie fusse tousiours chez son pere: Aussi l'ay-iecogneue cōme i'ay voulu.

11 l'aduoue comme troisiours aprez ie luy donnay vn Diable nommé *Emodes* pour l'assister, la seruir & conseruer: & de plus fort l'eschauffer en mon amour, moy la voyant toute transportee d'aise & de contentement, & fieschir les genoux à mes volontez. Je l'araisonnay ainsi.

Magdelaine, le comble de mes desirs, & celle pour laquelle i'ay si souvent inuocé les puissances infernales, ie te veux marier au Diable Belsebuth, Princes des Demōs: Elle s'y accorda fort librement. Je le fis lors venir en forme d'un Gentil-homme, ce faict, ie dis à Magdelaine qu'il falloit qu'elle fit vne promesse au Diable Belsebuth: laquelle ie luy ai dictée comme s'en suit.

¶ Je proteste ici en la presence de Dieu & de toute la Cour Celeste, & à vous maître Louys Gaufridi, & du Diable Belse-

buth (ici present) que ie renonce entiere-
ment de tout mon coeur, & de toute ma
force, & de toute ma puissance, à Dieu le
Pere au Fils, & au S. Esprit, à la tressain-
cte mere de Dieu, à tous les Anges, & spe-
cialement à mon bon Ange, à la Passion
de nostre Seigneur Iesus-Christ, à son
sang, à tous les merites d'icelle, à ma part
de Paradis, à toute les inspirations que
Dieu me pourroit donner à l'aduenir, à
toutes les prieres qu'on a faiçtes, & pour-
ront faire pour moy, Je proteste encores
comme ie me donne entierement, corps,
ame, force, & puissance, & tout ce qui est à
moy, au Diable, & à vous, m'ostant tout à
faict d'entre les mains de Dieu, pour me
remettre entierement entre les mains du
Diable. En foy dequoy me suis signé de
mon sang

12 Magdelaine dit, que maistre Louys Gaufridi en la presence du Diable Belsebuth, la picqua avec son petit poinçon fort deslié, faiçt en façon d'aiguille dans la iointure du petit doigt de la main droicte, pour auoir du sang pour signer la-dicte promesse.

13 L'aduoue comme ie luy ay faiçt faire sept ou huiçt promesses, tendant à diuerses fins, toutes dressantes au Diables, & à moy, voire luy en ay ie rompu trois ou quatre, vne fois qu'il m'en apportoit certain nombre.

14 I'aduoue comme le Diable s'estoit retenu la iurisdiction de toutes lesdites promesses, tant de Magdelaine que de moy, pour les trāsporter là où il voudroit, & quand bon luy sembleroit.

15 I'aduoue comme le Diable me dict, que si ie bruslois lesdictes promesses, il feroit vn si grand tintamarre, que ie tomberois en terre comme mort.

16 I'aduoue comme ie gardois toutes lesdites promesses en ma chambre avec le susdict liure de Magie vn iour que ie venois d'Aix, s'estoit la seconde fois que iestois allé parler aux Peres Michaelis Iacopin, & Anthonin Capuchin, quand ie fus arriué dans ma chambre ie bruslay le susdit liure de Magie, nō pas pour intétion que i'eusse de m'amender, mais bien pour crainte de n'en estre trouué faisi, les cendres duquel liure sont encores dans ma chambre. Pour les promesses ie fus fort estonné quand ie ne les trouuay point: parce que le Diable les auoit emportee ainsi que i'ay dit aux Peres.

17 I'aduoue comme la premiere fois que l'on va au Sabath, tous Sorciers, Sorcieres, & Magiciens sont marquez avec le petit doigt du Diable qui a ceste charge.

• 18 I'aduoue que lors que le Diable marque, on sent vn peu de chaleur qui penetre: & la où il touche, la chair demeure vn peu enfoncée.

19 I'aduoue comme ie suis esté marqué au Sabath de mon consentement, & y ay fait marquer Magdelaine. Elle est marquée à la teste au cœur, au ventre, aux cuisses, aux iambes, aux pieds, & en plusieurs autres parties de sō corps.

elle a encores vne aiguille dans sa cuisse, qu'elle ne sent point, laquelle luy ay veu mettre, & lors que l'aiguille entre, vous diriez qu'on perce vne parchemin.

20 I'aduoue que s'est trouué plusieurs Masquez Sorciers, & Magiciens, que leurs marques se couvrēt, mais apres d'elles mesmes croissent, & tournent en leur premiere force. Car ceste marque leur demeure tousiours, bien qu'ils se conuertissent, à cause de leur persistance qu'ils on faiète en particulier, lors qu'ils se sont donnez au Diable.

21 I'aduoue que lesdictes marques sont faiètes pour protestation qu'on sera tousiours bon & fidele seruiteur du Diable toute sa vie.

22 I'aduoue comme ie me suis trouué au Sabbath en diuers lieux dehors, sçauoir à la Baume de Rolland: à la Baume de Loubieres, & ay deux ou trois fois desiré d'aller à la sainte Baume. Y allāt vne fois exprez pour faire rapporter Magdelaine par le Diable, & la trainer par tous les bois de la sainte Baume.

23 I'aduoue que lors que ie voulois aller au Sabbath, ie me mettois la nuict à la fenestre toute ouuerte, autres fois ie sortois de ma chambre, la fermant à clef, & ayant mis mes clefs à ma pochette, Lucifer me prenoit, & à vn instant ie me trouuois transporté ou lieu ou le Sabbath se tenoit, y demeurant quelques fois, vne, deux, trois ou quatre heures, pour le plus souuent, suivant les affections.

24 Je declare cōme à l'entree du Sabbath tous les Masqués. Sorciers, & Magiciens adorent

le Diable, luy rendent hommage, chascun selon son degré. Sçauoir les Masqués l'adorent toutes couchees à terre: les Sorciers estans à genoux & flechissant le corps, & les Magiciens, comme Princes du Sabbath, se mettēt seulement à genoux.

25 l'aduoue qn'aussi tost qu'il est entré au Sabbath, il y a vn Diable qui a commandement en particulier de faire renier Dieu à chascun, tous les saincts, & sainctes, & particulièrement saint François.

26 l'aduoue cōme ie me suis trouué souuēt au Sabbath avec Magdelaine, & luy ay faict aualer des Caracteres dans vn escuelle par les Diables, & les autre par moy, pour la faire enrager d'auantage, à mon amour.

27 l'aduoue aussi cōme au Sabbath, i'ay eu connoissance d'elle. & d'une Princesse de Frise.

28 l'aduoue comme i'ay abusé plusieurs filles que i'ay soufflée outre le Sabbath.

29 l'aduoue encore comme le Diable est vn vray singe de l'Eglise, faisant au Sabbath tout ce qu'on fait en l'Eglise.

30 l'aduoue comme on baptise au Sabbath, & comme chacun Sorcier faict veu particulièrement se donnant au Diable, & faire baptiser tous ses enfans au Sabbath (si faire se peut) comme aussi l'on impose des noms à chascū de ceux qui sont au Sabbath differens de leur propre nom.

31 l'aduoue comme au Baptisme on se sert de l'eau, du souffre, & du sel: le souffre rend esclau le Diable, & le sel pour confirmer le baptisme au seruice du Diable.

32 l'aduoue cōme la forme & l'intention

de baptiser au nom de Lucifer Belzebuth, & autres Diabes, faisant le signe de la croix, en le commenceant par le trauers, & puis le poursuiuant par les pieds, & finissant à la teste.

33 l'aduoue comme il y auoit au Sabath douze Prestres, & comme vn chascun doit dire la Messe en son rang, lesdicts Prestres sont assis au plus haut degre comme Princes du Sabath; il y en auoit vn ignorant & grossier.

34 l'aduouë comme toutes les fois que ie suis esté au Sabath, i'ay ouy dire la Messe, & lay entendue; & quant ç'a esté mon rang, l'ay faicte dire par vn autre Prestre du Sabath.

35 l'aduouë comme au commencement de la Messe chascun se prosterne à terre, & comme c'est vn Diable qui sert la Messe.

36 l'aduouë comme les chandeilles qu'on brusle durant la Messe, sont de pouldre & de souffre, & pour latorche quand on leue le Sacrement le Diable administre, faict vne grosse lumiere qui est fort puante.

37 l'aduoue comme le prestre qui dit la Messe est porté au Sabath par son Diable, ayant la Chasuble violette.

38 l'aduoue comme la cloche qu'on sonne la Messe le *Sanctus*, & le *Sacre*, est de corne, ayant son baston de bois pour la sonner.

39 l'aduoue comme par tout où il se trouue des noms de Iesus, de la vierge, & des saints, on les oste & en mettent à leur place des noms de Diable: il faut auoir estudié pour dire vne Messe au Sabath.

40 l'aduoue comme on offre & consacre des

pains sans leuain, & quand il n'y en a point, on consacre du pain, prenant ordinairement la crouste de dessous quelque pain.

41 L'aduoue comme on consacre beaucoup de croustes & de morceaux pour faire communier les assistans, & quand il n'y a assez de croustes du dessous on prend de celles de dessus.

42 L'aduoue comme l'on prophete tout haut le parolles de Consecration, soit du corps, soit du sang & comme pendant qu'on leue le Sacrement, chascun renie Dieu tout haut, & crient, **Maistre ayde nous**, s'adressans à Lucifer, & autres Diabes.

43 L'aduoue comme l'on consacre du sang dans vn vaisseau, & bassin assez grand, & puis apres quand la consecration est faicte, le prestre qui dit la Messe se baigne dedans, & puis apres asperge les assistans.

44 L'aduoue comme vn chascun en prend à belles mains, & en mettent sur leur testes, disant, *Sanguis eius super nos, & super filios nostros*,

45 L'aduoue que toutes les Croix, qu'on faict durant la Messe, sont faictes au rebours comme dessus.

46 L'aduoue que quand on dit, *Agnus Dei, & Dominus, non sum dignus*, chascun enrage dans le cœur & crient comme desesperez dressant leurs parolles au Diable, maistre aide nous tousiours.

47 L'aduoue que chascun est obligé de communier, & quand on ne le faict, on est tenu de faire manger la part à vn Diable transformé en chien: & me souuient fort bien que le Diable, qui auoit ce te charge, fut repris fort aigrement

des autres pour ne s'en estre pas bien acquité.

48 I'aduoue comme il y a certains Masquez qui ont charge d'apporter vn chien de ses bastides, pour faire manger la communion que les autres ne veulent manger.

49 I'aduoue que lors qu'on dit, *Ite missa est*, l'on dit, *Allez vous en tous au nom du Diable*.

50 I'aduoue que tous les Vfuriers, Mages, Sorciers & Magiciens, sont tenus lors que quelque enfant meurt, qui a esté baptisé au Sabath, l'aller desenterrer & l'apporter au Sabath, y estre mangé par les Diables.

51 I'aduoue que lors que quelqu'un meurt au Sabath tous les Diables, Mages, & Magiciens le prient à tenir bon pour le Diable, & puis estant mort, l'apportent tous ensemble dans la mer ou quelque riuere, ou le iettent du haut d'un rocher en bas, ou bien le mettent dans vne caverne pour le conseruer.

52 I'aduoue comme le Diable ne me laissoit iamais, si n'est lors que i'entroy à l'Eglise des Capuchins, là il m'attendoit à la porte.

53 I'aduoue comme il y a enuiron treize ou quatorze ans que ie me suis baillé au Diable, corps & ame, & ay renoncé a tout ce que ie pouois esperer de la misericorde de Dieu.

Tandis que l'on attédoit son executiō, Monsieur Desprade Gentil-hōme d'Aille, fort modeste lequel estoit accordé en mariage avec la fille de Monsieur le President de Brasse fust assassiné par derriere à coups de poignard, par le Cheualier de Montauroux en la place des Prescheurs au cōspect de trois mille personnes sans

qu'on feust retener le meurtrier, vn enfant tomba de dessus vn arbre & se creua, aussi vne ieune Damoisele fut blessée d'un coup de poignard par le mesme Cheualier. Cestoit les malheurs qu'auoit predict ce meschant & mal-heureux Sorcier de ceux qui viendroyent lo voir mourir.

F I N.